

Član 8.

Općinsko vijeće Stari Grad Sarajevo, na osnovu ove Odluke, ovlašćuje Načelnika Općine da, uz obezbjeđenje potrebne dokumentacije, potpiše Ugovor o dugoročnom kreditnom zaduženju za finansiranje kapitalne investicije.

Član 9.

Za realizaciju ove Odluke zadužuje se Načelnik Općine i pomoćnik načelnika za privredu i finansije.

Član 10.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-419/17 27. jula 2017. godine Sarajevo	Predsjedavajući Općinskog vijeća Stari Grad Sarajevo Dr. sci. Jusuf Pušina , s. r.
--	--

Na osnovu člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/06 i 51/09), člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), te člana 9, 10. i 11. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14, 48/16 i 23/17, Općinsko vijeće Stari Grad Sarajevo je, na sjednici održanoj 27. jula 2017. godine, donijelo

ODLUKU

O IZMJENI ODLUKE O VIJEĆNIČKOJ LEGITIMACIJI

Član 1.

U Odluci o vijećničkoj legitimaciji ("Službene novine Kantona Sarajevo", broj 2/13), u članu 4. stav (1), briše se tekst pod znacima navoda, i piše novi tekst koji glasi:

"Na zahtjev Općinskog vijećnika, Općinski načelnik, odnosno Općinske službe, u okviru svog djelokruga, dužni su da mu pruže stručnu pomoć, daju obavještenja i obezbijede sve uslove za vršenje njegove funkcije."

Član 2.

Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-428/17 Jula 2017. godine Sarajevo	Predsjedavajući Općinskog vijeća Stari Grad Sarajevo Dr. sci. Jusuf Pušina , s. r.
--	--

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 17. stav 2. Odluke o prodaji poslovnih prostora zakupcima ("Službene novine Kantona Sarajevo", broj 50/15), Općinsko vijeće Stari Grad Sarajevo, na sjednici održanoj 27. jula 2017. godine, donijelo je

ODLUKU

**O KORIŠTENJU SREDSTAVA OSTVARENIH
PRODAJOM POSLOVNIH PROSTORA**

Član 1.

Ovom Odlukom daje se saglasnost Općinskom načelniku za preduzimanje svih aktivnosti u cilju realizacije projekta rehabilitacije (rekonstrukcije) devastiranih općinskih poslovnih prostora u ulici Bravadžiluk mali do broja 2 i u ulici Luledžina broj 13.

Sredstva za realizaciju projekta iz stava 1. ovog člana obezbijedit će se iz sredstava ostvarenih prodajom poslovnih prostora, evidentiranim na posebnom namjenskom računu Općine Stari Grad Sarajevo koji se nalazi u sklopu JRT općine.

Član 2.

Općinski načelnik će putem nadležnih službi a u skladu sa ovom Odlukom preduzeti aktivnosti vezane za obezbjeđenje potrebne dokumentacije neophodne za pristupanje rehabilitaciji

(rekonstrukciji) navedenih poslovnih prostora u granicama ranije postojećih objekata.

Član 3.

Po pribavljanju potrebne dokumentacije općina će provesti tendersku proceduru odabira izvođača za realizaciju radova utvrđenih projektom dokumentacijom predmetnih objekata.

Član 4.

Ova Odluka stupa na snagu danom donošenja a biće naknadno objavljena u "Službenim novinama Kantona Sarajevo".

Broj 02-49-434/17 Jula 2017. godine Sarajevo	Predsjedavajući Općinskog vijeća Stari Grad Sarajevo Dr. sci. Jusuf Pušina , s. r.
--	--

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), člana 17. stav 1. tačka 1.6. i člana 32. i 35. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo - Prečišćeni tekst ("Službene novine Kantona Sarajevo", broj 20/17), Općinsko vijeće Stari Grad Sarajevo, na sjednici održanoj 27. jula 2017. godine, donijelo je

ODLUKU

**O DODJELI U ZAKUP POSLOVNOG PROSTORA U
ULICI DESPIĆEVA BROJ 3**

1. Poslovni prostor u ulici Despićeva broj 3, ukupne površine 82,55 m² (prizemlje površine 57,29 m², podrum površine 25,26 m²) C kategorija, dodjeljuje se u zakup Bosanskohercegovačko-turskom udruženju privrednika "BOSTUAD" Sarajevo.
2. Korisnik poslovnog prostora iz tačke 1. ove Odluke je dužan plaćati mjesečnu zakupninu u iznosu od 2,00 KM po m².
3. Općinski načelnik će sa korisnikom iz tačke 1. ove Odluke zaključiti ugovor o korištenju poslovnog prostora. Ugovor se zaključuje na period od godinu dana sa mogućnošću produženja ukoliko zakupac bude izvršavao svoje obaveze iz ugovora.
4. Zakupac treba da izvrši osiguranje poslovnog prostora od osnovnih rizika vinkuliranom policom u korist Općine Stari Grad Sarajevo koja nema franšiznog učešća u eventualno nastaloj šteti.
5. Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-435/17 Jula 2017. godine Sarajevo	Predsjedavajući Općinskog vijeća Stari Grad Sarajevo Dr. sci. Jusuf Pušina , s. r.
--	--

Na osnovu člana 8. i 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 25. Statuta Općine Stari Grad Sarajevo ("Službene novine Kantona Sarajevo", broj 20/13 - Prečišćeni tekst), a u skladu sa članom 10. Zakona o upravljanju otpadom ("Službene novine Federacije BiH", broj 33/03 i 72/09), Općinsko vijeće Stari Grad, na 9. sjednici održanoj 27.07.2017. godine, donosi

ODLUKU

**O PRISTUPANJU IZRADI PLANA UPRAVLJANJA
OTPADOM OPĆINE STARI GRAD SARAJEVO ZA
PERIOD 2018 - 2023. GODINE**

Član 1.

Pristupa se izradi Plana upravljanja otpadom Općine Stari Grad Sarajevo za period 2018 -2023. godine (u daljem tekstu: "Plan").

Član 2.

Plan treba sadržavati najmanje:
- programe o skupljanju opasnog otpada iz domaćinstava;